

# ОЛТИН ДАВРИМИЗНИНГ ҲАР ЛАҲЗАСИНИ ЯНГИЛАНИШ ВА ИСЛОҲОТЛАРГА САФАРБАР ЭТАЙЛИК!

Институтимиз профессор-ўқитувчилари ва талаба-ёшлари Наврўз — умумхалқ байрамини шундай шиор билан кутиб олмоқдалар

ILM OLMOQQA INTILISH – HAR BIR MUSLIM VA MUSLIMA UCHUN FARZDIR

# Ziyo chashmasi

ABDULLA QODIRIY NOMIDAGI JIZZAX DAVLAT PEDAGOGIKA INSTITUTI GAZETASI

15.03.2017 № 4 (252) ISSN-2010-9393 ziyo-chashmasi@umail.uz 1993-yil 21-martdan chiqa boshlagan

## АЁЛ БОРКИ — ОЛАМ МУНАВВАР!

Хотин-қизлар байрами ба-хорнинг илк кунларида нишонланиши ўзига хос рамзийликка эга. Баҳор ҳам, аёл ҳам гўзаллик, нафосат ифода-сидир.

Институтимиз маданият са-ройида 8 Март — Халқаро хотин-қизлар кунига бағишлаб, "Азиз ва муқаддасан, аёл!" концертлаштирилган байрам тадбири бўлиб ўтди.

Институтимиз ректори, профессор А.Холбеков хотин-қизларимизни қутлуг айём билан қизгин муборакбод эт-ди.

— Аёл шундай нафис хил-қатки, унинг таърифига сўз

ожизлик қилади. Аёл бу, энг аввало, оналаримиз, опа-сингилларимиз, вафодор ёри-миз, ҳамкасбларимиз, умуман олганда, жамиятнинг не-гизи ҳисобланади — деди у ўз нутқида.

Жамоада алоҳида ўрناق кўрсатаётган профессор-ўқи-тувчилар ва ходималарга ин-ститутнинг фахрий ёрлик ва эсдалик совғалари тантанали равишда топширилди.

Чет тиллар факультети ўқи-тувчиси Дилором Хожимето-ва Ўзбекистон Республикаси

Президенти Шавкат Мирзиё-евнинг турли жабҳаларда меҳнат қилаётган илғор аёл-лар билан учрашуви тассурут-ларини сўзлаб берди.

Бадий қисмда аёлни улуг-ловчи шеърлар, мусиқий чи-қишлар ижро қилинди, улуг аёл зотининг меҳр-у вафоси-га эҳтиром изҳор этилди.

Байрам кайфияти давом этмоқда.

**Машхура ИСОМИДДИНОВА,**  
«Зиё чашмаси»нинг жамоатчи мухбири.



СУРАТДА: институтимизнинг ўқитувчилари (чапдан) — М. Носирова, Д. Хожиметова, М. Шеранова, З. Пардаева.

### ХАБАРЛАР/ЯНГИЛИКЛАР/ХАБАРЛАР/ЯНГИЛИКЛАР

Ғалаба!

## СПОРТЧИ ҚИЗЛАРИМИЗНИНГ БАЙРАМ ТУҲҒАСИ



Жисмоний маданият факультетининг 1-босқич талаба-лари эркин кураш ва дзюдо бўйича Ўзбекистон чемпио-натида муваффақиятли қатнашиб, бир шода медаллар билан қайтишди.

Суратда (чапдан): Севинч Исоқова (бронза), Адибахон Ўрозбоева (кумуш) Феруза Суюнова ва Паризода Дони-ёрова (бронза).

\*\*\*

20-24 январь кунлари спортнинг бокс тури бўйича бўлиб ўтган Ўзбекистон чемпионатида иштирок этган тўрт нафар спортчи қизларимиз муносиб марраларни забт этдилар. 81 килограмм-дан зиёд вазнда Гўзал Исмамова, 54 килограмм вазнда Азиза Якубова — олтин, 81 килограмм вазнда Эъзозахон Мелибоева кумуш, 64 килограмм вазнда Эмение Шымикова бронза ме-далларини қўлга киритдилар.

Боксчи талабаларимизни яна бир халқаро турнир кутиб ту-рибди. Улар куни кеча ушбу мусобақаларда иштирок этиш учун Бухоро шаҳрига жўнаб кетишди. Институтимиз жамоаси но-мидан уларга омад тилаб қоламиз.

**Зебунисо ЖАВЛОНОВА,**  
«Зиё чашмаси» мухбири.

Бадий кеча

## Бахтим шул, ўзбекнинг Зулфиясиман!

Ўзбек халқининг ардоқли шоираси, таниқли жамоат ар-боби Зулфия Исроилова ижо-дий камолотида ўзбек ва рус классиклари, халқ оғзаки ижодиёти ва жаҳон адабиёти-нинг ўрни бениҳоя.

Мамлакатимизда Зулфия хо-тирасини абадийлаштириш бу-гунги кунга қадар давом этмоқ-да. Ҳар йили шоира таваллуд куни кенг миқёсда нишонланиб келинаётир.

Институтимиз мажлислар за-лида Зулфия таваллудининг 102 йиллиги муносабати билан "Бахтим шул, ўзбекнинг Зулфи-ясиман" деб номланган адабий-бадий кеча ўтказилди.

Тадбирни маънавий-маъри-фий ишлар проректори Ф.Аҳме-дов кириш сўзи билан очиб бер-ди. Ўзбек тили ва адабиёти фа-культети учинчи босқич талаба-

си Дилрабо Холбекова "Зул-фия ҳаёти ва ижодий мероси" мавзусида маъруза қил-ди.

Тадбирда иштирок этган шаҳар хотин-қизлар кўмитаси бош мутахассиси Фотима Мамасиддиқова ҳамда Зул-фия номидаги давлат муко-фоти соҳибаси Ирода Матму-родова миллий маънавияти-миз такомилда шоиранинг алоҳида ўрни борлигини таъ-кидладилар.

Зулфия ижодига бағишлан-ган слайдлар, видеороликлар намойиш этилди, ижро этил-ган мушоира, куй ва қўшиқ-лар тадбир иштирокчилари-га баҳорий кайфият улашди.

**Бекзод МИРЗАЕВ,**  
«Зиё чашмаси» мухбири.

### Табрик

## ЯНА БИР ФАН ДОКТОРИ

Абдуназар Тошбоевич Нурмонов кўп йиллар Жиз-зах Давлат педагогика институтида педагогик фа-олият кўрсатиб келди.

У институтимиз қошида тил марказини очди, ўзбек тили ва адабиёти, чет тиллар факультетларида декан вази-фаларида ишлади. Филология ва педагогика наза-рийаси ва тарихи йўналишида қатор илмий мақолалар, монография ва қўлланмалари чоп этилди.

Яқинда олим Тошкент Давлат педагогика универси-тетининг муассислигида "Талабаларни самарали мулоқот тех-нологияси ва техникасига тайёрлашнинг педагогик им-кониятлари (аудиториядан ташқари машғулотлар мисо-лида)" мавзусида докторлик диссертациясини муваффа-қиятли ҳимоя қилди.

Институтимиз профессор-ўқитувчилари, талаба ёш-лари ва олимнинг кўп сонли шогирдлари номидан ҳам-шаҳримизни юксак унвон билан чин юракдан табрик-лаймиз ва ва унинг келгусидаги педагогик фаолиятига омад тилаб қоламиз.

**А. ШАРИПОВ.**

### Танлов

## ОРАСТА ҚИЗЛАР, ҚЎЛИ ГУЛСИЗЛАР!

Баҳорий байрамлар арафасида таби-ий фанлар факультети ва институт хотин-қизлар кўмитаси ҳамкорлигидаги "Ора-ста қизлар" кўрик-танлови бўлиб ўтди.

Танлов шартларига кийиниш маданияти, пазандалик, жумладан турли салатлар тайёр-лаш, орасталик, ракс, қўшиқ, шеърхонлик каби бир қатор мезонлар асос қилиб олин-ди.

Шартлар орасида талабаларнинг мусиқий чиқишлари, ашула ва рақслари тадбирга ало-ҳида зеб берди. Танлов ғолибларига фахрий ёрликлар ва совғалар топширилди.

**Н. ҲАСАНОВА,**  
«Зиё чашмаси»нинг жамоатчи мухбири.





